



06. Novmeber 2020

UKA2020/51

Suliffeqanngitsunut matchgruppe 1-imiittunut erngerluni sulilersitsiniartarneq atorneqartaler-tuuppat aningaasaqarnikkut, allaffissornikkullu kingunerisassai misissorniarlugit nassuiaasiornis-samut Naalakkersuisut peqquneqarnissaannik Inatsisartut aalajangiiffigisassaattut siunnersuut.

Nassuiaat UKA2021-mi Inatsisartunut agguanneqassaaq.

(Inatsisartunut ilaasortaq Simigaaq Heilmann, Demokraatit)

Siunnersuutigineqartoq pingaarutilerujussuaq qujassutigaarput.

Inuusuttut sulisinnaasut pissatseruttorfigisaanni amerlavallaartut inuiaqatigiinni suliaqaratillu ilin-niagaqalersimannngitsutut taaneqartartut iliuuseqarfignarsariaqarnerat pingaaruteqarluinnarpoq.

Anaanakkut oqartarput, inuk sulinngitsoq nerissanngilaq. Taama erseqqitsigisumik oqartoqartarpoq meerallutali tusaavarput. Imaannngilaq nerisinniannnginnamitigut, kisisinnili ima isumaqassaaq kikkut tamarmik peqataasariaqarnerat inuunerup ingerlaannarsinnaaneranut pingaaruteqartingaaq. Inu-unginnarniarutta nerisariaqarpugut, neriniaruttalu sulisariaqarpugut. Tassa tamarmi ataqatigiissut-sip aammalu imminnut pinngitsoorsinnaannnginnerup anersaava.

2007-mili Pisortat ikiorsiissutaasa nutaamik aaqqiivigineqarneratigut ima inissinneqarpoq SIK-mi ilinniarsimannngitsup akunnermusiarisartagaata 65%-ia pisortanit ikiorsiittugineqartarnerata qum-mut killissarisagaa. Taamatut aaliangernerup siunertarivaa kinaluunniit suliumanani pisortanit ikiorsiissutaannarnik inuuniarnermut toqqaasinnaajunnaarsinneqarnerat sulinerlu akissarsiassa-tigut immiut akilersinnaanerusoq ujartorneqarluni.

Tunngaviatigut isumaqartuarpugut aqqut taamatut ittoq pisariaqartoq. Sulineq imminullu piler-sorneq aqqutissaavoq. Ilinniarsimasuunani akissaatikinneruneq piuvoq, ilinniagaqalaarsimagaanni qaffalaassaaq ilinniarluaraannilu isertitaqarluarsinnaaneq piuvoq. Amerlasuut aqqut immiut piler-sornissamut nassaariniassavaat, taamaattumik meeqqat suli mikinerini kajumissaarlugillu siunissa-mut aaliangiilluarsinnaanissaanut aqqutissiuullugassaapput.

Nunatta naatsorsueqqissaartarfiata kisitsisaataasa takutippaat suliffissaaleqisut 60%-ii qaammatini 1-3-ni suliffissaaleqisartut, tassa imatut paasillugu sukkasuumik sulileqqittarput. Tamanna qujanar-poq. Taamaakkaluartoq suli amerlapput tamarmiusumik sulilinngitsut.

Nunatta Qitornai

Inatsisartuni



Inuiaqatigiinnit sulisinnaasut tamarmik pisariaqartinneqartillugit piviusoq alla takunngitsuusaarsinnaanngisarput tassaavoq suliffiit ilinniarsimangikkaluartunik inuttaqartinneqartut kalaallinit inuttaqartinneqaratik allamiuaqqanit inuttaqartinneqartut. Oqaatiginiarneqartarpoq kalaallit aalaajaanngiisimangippallaarmata, suliffimmut tunniusimangippallaarmata aammalu takkuttikulanngippallaarnerata tamanna kingunerigaa. Apeqqutit taama ittut oqaluserinerusariaqartut isumaqarpugut. Kisitsit tamanna annertusiartorpat peqquteqarsimassaaq ullumikkornit arajutsisatsinik.

Oqaatigeqqittarparput inuiaqatigiinni inooqatigiinnermi angerlarsimaffimmi atukkat tujorminartut peqqutigalugit meeqqat atuarfimmi malinnaaniarnermikkut ajornartorsiortarnerat. Ilisimaaraarput ilinniagaqartortavut amerlasuut atuarunnaartartut peqqutigiginagu ilinniakkamik artorsarnerat, kisiannili meeraanermut misigisimasat suliarineqanngitsut inuttut artorsartitsinerannik peqquteqartoq. Pissutsit tamakku ilisimaaraavut, isumaqarpugullu attuumassuteqartoq amerlasuut ullumikkut inuiaqatigiinnut atanngitsutut, tunniussassaqaanngitsutut aammalu siunnerfeqaanngitsutut inissisimasut ilaasa tamanna aallaavigissappassuk.

Isumaqaarnaqaaq inuiaqatigiinnut akuunerulersitsiniaraanni, sulinerulersitsiniaraanni aammalu aqqutissiuussiniaraanni avaqqunneqarsinnaanngilaq inuttut atukkat ikorfartuinerlu annerusoq tunuliaqutsertariaqarippat. Katsorsaaneq aammalu inuttut ineriartortitsinermut sulineq annerusoq ujjartorparput, isumaqaratta aqqut tassuunaartoq tassaavoq naalakkersuinikkut siunnerfeqartumik innuttaasunik tunuliaqutsiineq.

Siunnersuuteqartoq isumaqatigeqaarput suliffeqaanngitsut matchgruppemiittut 1-mi erngerluni sulilersitsiniartarneq atorneqartalertuuppat kingunissai misissorlugit nassuiaasiarineqartariaqartut. Siunnersuut taama isikkoqartillugu taperserparput ataatsimiititaliamukartillugulu.